

144.

DEO OPTIMO MAXIMO UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICO-CHIRURGICA,

QUOD LIBETARIIS DISPUTATIONIBUS,
*manè discutienda in Scholis Medicorum, die Jovis decimâ-septimâ mensis
Martii, anno Domini M. DCC. LXXIV.*



PRÆSIDE,

M. Joanne-Jacobo BELLETESTE, antiquo Facultatis Decano,
Doctore Medico.

An ligaturæ poliporum uteri instituendæ nova methodus anteponenda ?

I.



MULIER divinitatis opus, humanitatis honos, à viro discrepat etsi iisdem conflata sit principii & ab eadem petat origine vitam. Inæqualis utriusque nutritio, inæquale incrementum. Mas citius in utero crescit *. Femina vero luce semel potita incrementi sui apicem citiori pede attingit. Aurea promptioribus alis advolat ætas. Quantum tunc discriminis! elegantior femineorum artuum tractus, fororiantur mammæ, vultui insident blandities & dignitas, fideli comitatur satellitio jocorum, risuumque chorus, subtilis ingenii acies, benigna morum indoles, dulce colloquium, quorum vinculis implicari gestit quicumque vir etiam ferocissimus. Sic Hercules Omphalæ blandis lateribus assidere gloriabatur. Sic Samnitanae juventutis præmium feminea manus, gratiosius illustriusque reddebat.

Amabilis illius generis humani partis, dulci jugo alteram prementis organa, per longius temporis intervallum suam servant flexibilitatem. Elapsum fluxus mentitui tempus, senilem ariditatem moratur; caput non tam tristi deturpatur calvitie, ielusus suos quasi suspendit mors ineluctabilis. Mulier tamen pluribus subjacet morbis quorum nescius est virilis sexus. Tristes hosce hospites arcessunt periodica purpurei laticis excretio impedita, sat certum fœcundationis possibilis indicium, matris conditio, nutricis status, peculiarisque partium genitalium structura, à quâ sæpissimè pendent partis illius polipi.

II.

POLIPUS, tumor sæpè indolens, circumscriptus, excrecentiæ verè carnosæ, membranâ eadem quæ dedit illi originem cooperta, in formam pyri vulgo desinit. Conspicitur in naribus, gutture, utero & vaginâ. Si unicus tumor, unicus pediculus. Plurimæ radices plurimos indicant polipos. Unius tamen pediculi, plures possunt esse appendices. Duplex distinguitur in genere poliposa excrecentia, mulieribus duntaxat peculiaris. Quandoque sedem figit in utero, quandoque in vaginâ.

Triplex admittenda poliporum uterinorum species. Alii in fundo illius visceris

* Hipp. de
natura pueri
sect. X. &
seq. de ge-
neratâ sect.
VI.

nascuntur. Alii pediculum habent in orificio hærentem. Cum semel orti fuerint primæ speciei polipi, tacite crescunt, & ad id incrementi adveniunt ut dilatando utero impares, & ab hujus visceris parietibus pressi, ubi minor resistentia, eo vergere gestiunt. Hinc fit ut per collum uteri erumpant, quo constricti, hæmorrhagiis, fluorique albo præbent ansam sæpèque mortificati excidunt.

Secundæ speciei poliposæ excrescentiæ, ideo cognoscuntur quia digitus, tumorem inter & uteri cavitatem resistentiam reperit. Illæ rarò hæmorrhagias committunt propter pediculi libertatem.

Tertiæ speciei poliposæ, signum diagnosticum est orificii uterini obliquitas.

Vaginæ polipi, basi latâ non rarò donantur, liberum linquunt uterum, minimè constringuntur, lui venereæ præcipuam debent sui originem, sæpèque à nimio veneris oestro procreantur. Cum herniis sive vesicæ, sive epiplois vel intestinorum aliquando confunduntur; sedulo tamen distinguendi signis peculiaribus à M. *Levret* delineatis*.

* *Traité des Polypes.*

III.

POLIPOS uterinos referunt mole, skirri, canceri occulti hujusce partis, nec non herniæ cum uteri inversione. Undè quidam authores etiam magni nominis, in gravem lapsi sunt errorem, jactantes uterum à se amputatum, quo evulso, conceptiones, & graviditates fuisse peractas, audacter mentiebantur. Quidquid sit tumores cujuscumque generis pediculo gaudentes nostrâ possunt auferri methodo.

Latet adhuc primaria poliporum causa, quæ tamen non alia esse videtur nisi omne quod membranarum læsionem producere valet. Unde circulatione, vitæque suffocatis, stagnant humores, membranososque folliculos, minimè resistentes dilatant. Sic ictus, inflammationes, virus quodcumque polipis præbent ansam. Sic mulieres in partu vulneratæ plurimorum filiorum matres, desinente fluxu menstruo polipis videntur obnoxiores.

IV.

PLURIMA huncce morbum debellatura suppeditavit ars auxilia. Alii cauterium prædicant, minimè adhibendum, quia sensibilius organum. Partes haud affectas oppugnat, canceri indolem poliposæ excrescentiæ affert. Aliundè longissima curatio, nullum habitura successum præsertim si latus occurrat polipus. Alii incisio-nem jactitant, et valdè timenda tum propter hæmorrhagias difficillimè sistendas, tum ob dolores acerrimos. Adde quod talis operatio, in solâ vaginâ tantum posset exerceri.


Quidam ad extirpationem tanquam ad unam salutis anchoram confugere. Sed rejicienda videtur methodus, propter necessariam membranarum dilacerationem, atrocissima tormina, canerosque, necessarias inflammationis sequelas.

Recentiores verò ligaturam celebrant. Multiplici autem de ratione assensum libenter præbemus. 1^o. Quia sic naturam imitatur quæ polipos primæ speciei uterinos, collo constringit, sicque eos ullo absque periculo expellit. 2^o. Quia nulla, seu saltem minima sanguinis evacuatio pertimescenda. 3^o. Quia maximè tolerabiles excitat dolores. 4^o. Tandem quia levissima inflammatio nascitur, sed sufficiens & idonea promovendæ suppurationi, cujus ope, ultimæ polipi radices corroduntur.

Plurima autem inter media, ligaturæ instituendæ apta, quædam electio datur. Primi hujusce methodi inventores, polipum cum filo lini, equino ve crino, mediantibus digitis immisso, ligabant. Sed clarius luce patet, quod tunc apparentes duntaxat pediculi, operationem subire valerent.

Recentiores inter M. *Levret* excogitavit instrumentum quod ipsammet anam efformatam versus polipi radicem affert. Huic autem optimè quidem excogitato anteponimus novum, ob rationes brevi afferendas, à M. *David* inventum.

ILLUD instrumentum infrà expresum, & in statu naturali, duplicatà gaudens menturà gemino constat brachio A A *Fig. 1.* vices gerente digitorum tenuissimorum, longissimorumque. Versus superiorem extremitatem acuminis, instar foramine donatur, per quod transit funiculus sericeus BB suâ extremitate ad partem instrumenti inferiorem alligatus C C; undè facilius motus, minimèque timenda illius fuga. Tunc in utero introducit unicum duntaxat brachium A, in eodem instanti partem tumoris obsidens, deinde alterum A correspondentem partem occupaturum, sicque una cum collegâ ansam efformaturum, in quâ involvitur polipus. Admota instrumenti brachia, uniuntur inter se mediantibus vaginis distinctis quarum altera *Fig. 2.* ad D figuræ quartæ deducitur; deinde altera *Fig. 3*, cui ultimæ adest trochleæ species E circa quam volvuntur funiculi sericei extremitates antè brachiorum instrumenti invaginationem deligati & dispositi ut *Fig. 4.* tunc ope clavis *Fig. 5.* augetur volutationum numerus, prout excidentiam pollicetur tumor qui eo in tempore involvitur in anulo F à funiculo efformato, sicque constrictus, brevi decidit.



Hæc autem methodus ab omnibus usurpanda venit, propter instrumenti simplicitatem, facillimamque anse efformationem. Dum econtrâ polipi ligatura ope instrumenti D. *Levret* peracta valdè intricata, ac difficillima evadit, quando saltem basis magna & uterum quasi adimplet poliposa excrecentia, hinc non rarò accidit quod tentamina sæpius repetita, irritationem, inflammationem nimiam, cancroque procreare valeant; quæ quidem incommoda nostro arcentur, vitanturque instrumento.

Quod probat ratiocinium, illud confirmat nostra experientia. Mulier annum trigessimum quartum agens, vaga & incerta habebat menstrua à duobus circiter annis. Mense Octobri præterito, immodico ita mensium fluxu laboravit ut nisi post diuturnum tempus, vires amissas refocillare potuerit. Intereà in vaginæ cavitate quamdam molestiam quamdamve tumoris speciem repериundam autmavit. Tragœdiam ipsa metuens, meum imploravit consilium. Omnibus examinatis & attentè ponderatis poliposam excrecentiam basi sat amplâ donatam & magnitudinem ovi columbini referentem existere ad uteri orificium ipse ego indicavi. Sed morbi magnitudine durationeque perpensis, hosti tali debellando, meipsum inopem prorsusprehendens virum doctissimum, dilectissimumque amicū M. *Caille*, hujusce celeberrimæ Facultatis Doctorem, ut methodum quæ sibi maximè arridet, humaniter impertiret, rogavi. Eo acrius animum intendimus ut circumspicendo salutare quid excogitaremus, meditati, operationem tandem suavisimus. Omnibus ritè paratis eam institui methodo à me propositâ, quæ quidem operatio ullo absque acri dolore & felicissimo cum successu peracta fuit & intra quatuor dies, mulier fuit sanata.

Ergò ligaturæ poliporum uteri instituendæ nova methodus anteponenda.

DOMINI DOCTORES DISPUTATURI.

M. *Claudius LAFISSE*,
Chirurgiæ Gallico idioma-
te Professor designatus.

M. *Joannes Baptista Mi-*
chael, BUCQUET.

M. *Claudius Carolus*
DEJEAN.

M. *Josephus Ignatius GUIL-*
LOTIN.

M. *Ambrosius Augustus*
BELANGER, Serenissi-
mæ Comitissæ Atrebatum
Medicus ordinarius.

M. *Franciscus Felicitas*
COCHU.

M. *Carolus Jacobus Ludo-*
vicus COQUEREAU.

M. *Franciscus Maria LE*
MOINE.

M. *Josephus DE JUSSIEU,*
Regiæ Scientiarum Acad-
miæ Socius.

Proponebat Parisiis JOANNES-MATHÆUS DE FRASNE, Sequanus;
Saluberrimæ Facultatis Medicinæ Parisiensis Baccalaureus, Theses Autor,
A. R. S. H. 1774 à sextâ ad meridiem.

Typis QUILLAU, Saluberrimæ Facultatis Medicinæ Typographi.